

白

榆

集

白榆集卷之四

五言律詩

寄周元孚

寂寞淹郎署歸來楚水湄  
名高神理妬才大古今疑  
孤月林扉白深江石壁垂  
浣紗聊自得知不恨蛾眉

潞河晚泊二首

迴浦落帆盡長堤帶郭斜  
暮煙平吐樹春雨薄流沙  
白艇藏漁市黃茅覆酒家  
一瓢雲水外不復問華年

白榆集

卷之四

乙

何物如綸巾乾坤一放民女羅縈灌木官柳出層闌  
花暎春遊騎煙迷晚渡人回舟見新月痛飲得天真

雲居庵作

煙巒最深處野鳥啼空山日暮蟬聲急松高鶴夢閒  
魚舟花裏出僧屐雨中還客去禪逾寂焚香獨掩關

哭姚進士

颯沓雲霄上俄然掩夜臺天高虹氣歿霜冷雁聲哀  
有母登機杼無家問草萊願乘緱氏鶴一歲一歸來

慧山寺

斜日照東林，泉聲響玉琴。雲來栖樹杪，僧轉入峰陰。  
淥酒真堪醉，瑤芝不可尋。石門高韻在，感歎欲彌襟。

### 八公山

落日到山家，千峰變紫霞。礪松窺絕壑，瀑水澣寒花。  
仙路知無盡，吾生信有涯。一官今夢覺，早晚鍊丹砂。

### 崧澤袁將軍祠

將軍埋骨地，千載尚名村。燄碑剝風雨，廢隴牧雞豚。  
香火開新廟，麾幢出夜壺。英雄總如此，今古不須論。

### 二陸祠二首

歎息英靈去祠成落照多梁初喧鳥雀門已挂藤蘿  
龍劍埋青草文星沒絳河空然持桂酒不飲奈何  
細雨濕微茫高丘大樹荒軍容吞漢魏文藻壓齊梁  
烈士心無恨名山骨可藏門前五湖水日日浸斜陽

周元孚至吳門負約不至以詩憾之二首

一水盈衣帶三秋傷別離到門人不見猶作隔年期  
冷露蒹葭外空庭風雨時君能忘夙昔吾亦罷

相思

徘徊不一過梁月奈君何山豈名廻雁公今無渡河  
自憐花逕寂何處馬蹄多幸有碑礫在孤吟向薜蘿

感悟四首

人理受天授雲霞物外高悟來真自哂氣盡欲誰豪

至寶寧終曜虛名或可逃月明殘潦在片石阻

炎篇

薄俗詎須論人言巧者尊嫌喧終未寂益智不如昏

雲霧屯松杪谿流洗竹根無愁堪送老夕月與

朝嗽

鐘磬發清音空山生遠心飛蟲管生滅流照問升沈

峽束車爭道峰迴鳥息陰藤蘿挂石壁風至忽

鳴琴

蓬戶滿蠨蛸天寒雨雪濂將因營萬載寧復悟來朝

物遣神應澹思深理自超虛空任來去吾豈託陵若

哭伯兄四首

甯戚布衣單，姜肱襆被寒。面常無飽色，眉不挂愁端。

野潦迷樵徑，江風吹釣竿。平生真自快，今日理安應。

小弟困諸生，家貧鄉里輕。官今叨散吏，俸始及吾兄。

鄧以供遲暮，胡然隔死生。墳簞翻苦調，悽咽不聲成。

前吏索租堂上客，呼盧取酒黃金盡。彈碁白日徂。

瘦真同野鶴，懶可狎鷗鳥。落落荒丘在，年年芳草蘇。

獨立問蒼茫，寒雲擁大荒。河流積凍雪，木葉變清霜。

死去千秋短，悲來一日長。吞聲兼拭淚，垂白在高堂。

夏日縣齋卽事八首

新月映蒲團涼風吹竹冠  
鉤簾遲暝色拂水作清瀾  
心已空諸界身猶多一官  
卑棲無可喜有喜是端  
荒園塵世隔野水暗渠通  
鼠挂松枝裏龜遊蓮葉東  
靜中無一法何物未能空  
美酒良朋友清言高紅  
謀生生有涯欲去去無家  
薄祿貧交盡一官雙鬢華  
名將逃薜荔妬不到煙霞  
何限秦公子千秋說瓜  
當機巧若神抱甕復何人  
不敢非卿法還應任我真  
山煙送清磬花雨洗香塵  
身世長如此何言要津



長林皓月初高樹。綠煙疎露冷驚霄。燭荷圓。名夜舒。  
魚龍窺寂寞。河漢坐清虛。猶自嫌多事。焚香與  
官燭。夢覓清蕭然。無所管。庭空黃鳥下。吏散白雲生。  
父老譚爲政。兒童識性情。但求吾自適。安用取名。  
老去日蕭騷。狂來猶自豪。滑稽終不類。磨折詎云勞。  
向夕吟微雨。追涼呼濁醪。揚帆亦足快。江上有清風。  
雲水問幽踪。生涯託瘦筇。漸能驅客鳥。兼欲廢雕龍。  
不淺濠梁興。言窺柱下宗。何當攜杖影。滅跡向蒼松。

余身纓冠服志在丘樊覽古揮毫間多感慨雖雅  
乏詞人之致然風蟬雨蚓時鳴天機不能自止比  
待罪由峯故江東沃壤勝區自昔霸主豪傑之所  
經營才人韻士之所蘊繪山川名跡往往而在前  
人舊多題咏余不揣偶檢舊題爲之嗣響用貽後

春申浦

戔戔楚王孫遺蹟在洪源  
花朗妖姬映谿虛野吹繁  
空名青史挂老樹白雲屯  
氣折豪華盡千秋恨李園

顧野王讀書堆

希馬秀巖穴高韻掩時賢  
香挹花間露清分竹裏煙  
春沙平墓道秋雨漲湖田  
颯颯長林下黃狐飲澗泉

寒穴泉

靈巖開雪竇玉乳冷朝暉  
瀉落經雲葉流來浸竹根  
將因鑑毛髮兼得洗心竇  
坐對真清絕山風吹石門

吳王獵場

霸業在宣威高原試合圍  
後宮開騎吹前隊捲戎衣  
霜落胡鷹俊山空秋兔肥  
雄圖收野火樵牧晚涼歸

秦皇馳道

風煙包九州入駿想同遊  
颯颯神鞭下蕭蕭鬼語愁  
松高清蹕響雲白海風秋  
自是無靈氣三山實可求

採花涇

澤國泛沙棠波搖羽扇涼  
並開青茵苔雙映紫鴛鴦  
玉管吹花氣金杯薦月光  
何如不入洛長往水雲鄉

黃耳塚

生來多慧性死去卽名村  
亦有彌猴果何論鸚鵡言  
水深迷草徑月冷吠花源  
索寞平原里應憐舊主恩

三女岡

三女臨妝鏡千花嬌映人金釵沒黃土玉骨化青燐  
昔有宮娥侍今爲野鳥隣繁華總如此所以賢清真  
赤烏碑

高碣俯江潭禪牀嵌石龕經聲秋樹冷寶相夜燈含  
歲久龜龍剝波深罔象探向來成壞理好語杜征南

滬瀆壘

取酒臨秋澗寒花故壘紅血沉金鏃冷鬼嘯白楊空  
鳥度悲風外月明清露中採蘋何處薦流淚向誰公

夏夜小集得乾字

良夜不成歡人生此會難露侵銀燭淡杯引絳河乾  
揜箠山光亂吟詩鶴夢殘醉來還問客五斗是何官  
送藍丞歸隱南康

賢聲父老傳落落莽風煙行路無知己歸耕有薄田  
三江彭澤地九月菊花天山色斜陽外思君足晏眠  
登鳳凰山二首

行役坐山樊陰蘿水氣昏寒花生石壁古路入松根  
暫與閒雲寂猶嫌啼鳥喧開尊來野趣隨地洗<sub>心</sub>葛  
林響踏空沙川光映紫霞佩猴竊山果童子拾松花

風磴千盤折寒江一帶斜僧來背殘日落葉滿袈裟

廢縣

縣廢居民散庭空野草長霜鐘鳴破寺茅屋伴斜陽  
古道惟黃犢酸風多白楊興亡亦天道把酒立蒼茫

金澤寺四首

聞道東林勝年深碧殿荒青蘿生大佛黃葉到空房  
燭冷分湖月鐘清帶夜霜布衣真吏隱隨意踏廊

長廊

石氣剝松根波聲撼寺門看雲成野趣選竹合山尊

鳥下如相識僧來不共言宦情合轉薄早晚樹

喧塵

羣峭插天陰孤村抱雨深心閑因水國地勝在雲林  
葉響寒猿過風高曙鼓沈平生愛空寂寧獨爲  
一夕宿招提蕭條野水西沙頭橫亂艇竹裏出鳴雞  
霧樹昏巖洞霜苔滑石梯性空元不染底是世人迷

泛潏山湖三首

扁舟凌紫氛蕭洒絕人羣浦暗逢吞樹湖空不碍雲  
浪推沙鳥出風挾寺鐘聞故有滄洲癖徘徊眷  
帆去疾如矢浮生當奈何青林迎疊鼓白日弄驚波  
日送吳天濶牕收野色多空津雲霧裏陵亂起

歌



鳬雁寫波容蒹葭日氣濃天深入雙槳水大浸孤峰  
濁酒愁無客清歌響觸龍尊前探秀句忽到九芙蓉  
首夏遊超果寺因過陸君策水竹居

時余素食  
與有道者

王君跌  
坐市旦

偶踏雲門寺因尋水竹居涼風吹古屋斜日照殘書  
白飯堪施鳥青蘇不煮魚夜深高燭盡星漢入檐虛

### 贈錢太守

官爲二千石家無八百桑興來時採藥老去欲休糧  
白日松陰冷青山鶴影長看君多道氣五嶽可徜徉

螢

小燭冷無煙繁星不在天  
傷人窺羽扇拂水照池蓮  
緩逐涼風度光因白露鮮  
最宜憑夜閣明滅竹林邊

白頭公

四十頭先白一官心尚玄  
問公不作吏何故亦皤然  
情識悲膏火年華感逝川  
因公還攬鏡歎息落花前

鶴

矯翼凌霄漢  
棲支遁園山  
空桂花冷夜靜松露翻  
長鳴振厓谷  
高韻標丘樊  
所貴在物外  
詎肯戀華軒

中秋夜集

不厭中秋雨天街暮色虛蟲鳴帶流水螢冷入殘書  
綠酒傾河漢華銀代望舒因憐故人好轉與世情疎  
青谿卽事二首

涼雨沐神臯陂塘浸野蒿詎須嗟落莫差可避煩囂  
水國多菱芡山田足蟹螯靜憐池上月清露滴<sub>松</sub>響  
分符得水縣蕭瑟總堪憐處處張漁網家家紡木綿  
波聲喧客夢山翠借廚煙落日船回浦聞歌半採蓮  
留別沈孟嘉

秋空墮黃葉寒月去青谿官舍依龍子煙霜又馬蹄  
語深香燼落花冷燭光低不用提壺送猶覓湖水西  
留別郁孟野

三年同患難聊一詠河梁淚與秋雲積心知別路長  
單車行野日短褐逗天霜江海風波濶松蘿且竹房

秋海棠

秋日自娟娟紅雲妬不前尚是青皇色貪分白帝權  
無香何足恨有露轉應妍好與芙蓉並絲絲裊暮煙

虎丘

丘壠鬱蒙茸金銀夜氣濃  
年深荒佛殿況乃問歌鐘  
殘月掛枯樹寒星入斷絳  
詎須恨麋鹿把酒對青松  
弇州園池上泛月

寒塘映華屋清夜泛蘭舟  
月照水逾白波平樹不流  
花從霧裏出魚在鏡中遊  
故是方平宅渾疑到十洲  
彭城渡黃河

彭城臨廣岬俯仰霸圖空白  
日照殘雪黃河多烈風  
所嗟人向北不似水流東  
回首滄溟曲山山雲霧中  
劉觀察先生罷官歸蜀感賦

罷官君亦得歸種漢西田日月淹高足山林借盛年  
浣花平帶郭濯錦濶浮天載酒吟詩處逍遙可命篇  
任城道中聞殷無美方衆甫梅客生諸君登臨

識喜

背去曾三刖今來始一鳴人心驚異寶天意借橫行  
風緩聞箏細花高與殿平爲君浮大白野店月華滿  
聞瞿孟堅隆車傷足不赴公車而還使人物色  
之不得其的耗爲之愴然有作

汝父行遭蹶君車隆復傷胡然連破甑詎不戒垂堂

歌罷抽長劔悲來叫大荒扁舟雲水濶何處望瀟湘

懷田叔六首

叔也逃名客長吟招隱詩樓閣開曉日石竹陰清池

放鶴踈鐘午焚香夜漏遲歸來好相傍多恐悞時

僧瓦覆蒼藤朝來露氣澄種蕉延野鹿留飯與山僧

自喜塵緣減猶嫌酒態增了知官況薄詎必是能無

煙霞吾有託爲上水雲鄉可治辛夷塢曾聞紫葼房

無將入高蓋只便禮空王投老雙棲處閨眠弄陽夕

李愿歸盤谷王維住輞川花間隱裴君竹裏山霏煙

網挂魚腥浦波平鳥下田門開見太白不費買鉤  
大海白煙鋪羣鷗下可呼携舟臨岬曲引客坐玻璃  
嬌女嗔花落兒童說歲除空中何所有茶甌與香爐  
古渡浣桃花平林吞白沙聽經香積寺看菊野人家  
隱迹混人世禪心見物華一官堪自穢慙媿說煙霞  
春日懷桃花別業十首

昔住桃花屋牕開雪浪崩黃狐行亂葦蒼鼠戲垂藤  
海黑腥龍氣沙明見佛燈乘潮欲飛去與不禁馮茂  
秋蛟怒不休水氣鬪連牛古路天邊沒洪波竈下流



浮槎采菰米乞火向漁舟落日捐雙珮曾陪龍遨

緩步踏江村沙晴晚日暄偶然逢野老相送出柴門

曲岸隱漁吹平橋落水痕歸來坐長薄星月飯黃

出門無所恨但恨別兼葭月照翻輕浪鷗飛帶淺沙

看花驚老大種竹換隣家美殺安期輩白三山食瓜

恠底鵝鷺集翻思鵝鸛冲飢來餐荇菜倦吳臥雲松

郭帶潮音洞門當太白峰天風忽相借是處躡飛

我家大江上心與大江空雷雨千峰白朝霞半壁紅

海補驅石路泉客織綃宮忽漫吹長笛驚鷺響風

五月黃魚熟千帆劈浪過煙中列酒金花底掛漁蓑  
人語水禽亂簫聲估客多傍船歌越女步步欲波  
村村鳴社鼓處處擢空舡江水一灣綠廟門雙樹青  
行人背殘日斷隴入寒星自焚松明火閑開寶經  
每當桃花月苦憶桃花津輕舸入東郭濁酒過西隣  
數間林中叟多非世上人年華不相待猶自溷塵  
水國眠鷗冷霜天到雁遲少時心所狎真與性相宜  
葭莢空煙積芙蓉晚露披有家堪勅斷况乃一官

治平寺

宛轉入招提雲堂湖水西流泉從竈出山鳥隔花啼  
佛帶蘿陰古僧來暝色低東林留勝事玄度託幽栖

鷓鴣園

蒼松雲水態寥廓使君情鶴傍松崖古魚游石瀨清  
斜穿洞逾迥陡插徑初年行雨增山溜空翠滴暮聲  
夏日過譚氏玉芝園

爲眷丘中賞聊尋物外言荷香涼入酒松色暗當門  
屋參雲長覆池平水不喧班將謝塵鞅散髮坐曉源

謝黃待衡四首

短褐去邊雲蒼茫別使君土牆野色暗蘆花莫聲聞

羸馬猶堪策枯魚手自焚滄江足投老隱矣不須

雪盡條風暖冰開野水流誰携燕巾筑獨上鑑湖舟

芳樹陰黃鳥平蕪亂白鷗延陵豈不達吾意訪

披裘

真成涉苦海政得返中林酒德媿猶淺宦情應不深

停杯候花色移席就桐陰日暝空香裏了知無

住心

雲白天青外彌看靜者尊殘霞帶蘿月飛瀑灌松門

息影今無累含沙亦是恩十居隣福地玉篋授

真誼

同范太僕莫廷韓徐長孺彭欽之泛舟青谿登

天馬山慈蕭寺限韻

停舟大寺南盡日看晴嵐水曲雲遲度沙虛日倒含  
谷風腥虎豹石薜繡瞿曇且結煙蘿賞無爲人世談  
五言排律

夢登太和

夢上太和峰青天杖綠筇猛風搖曲磴烈日挂飛淙  
飲澗馴雙鹿擎雲拔五龍寒濤起松栝秀黛掩芙蓉  
初月千峰紫斜陽萬壑春峻嶒天轉近詰屈路逾重  
海東盤如帶雷低吼若蜂晴光上界朗雨氣下方濃

霞度斜穿層星流亂貼胸石壇青桂合金殿白雪  
幢蓋羣靈會香花衆樂供神芝洞府秘寶籙道家宗  
麟鳳仙廚異醞酏天酒醲亦曾聞勝事何處躡靈蹤  
望去雲鴻接俄然笙鶴衝空懷紫煙客不住絳桃容  
俯仰氣俱盡踟躕意頗慵天門豁清曙松露作深冬  
大地波聲細皇州曉色籠有山皆出霧無殿不鳴鐘  
覽眺平生好驅馳世事慵逝將愜幽賞井竈一相從  
寄魏懋權太常

才名君獨早束髮事墳丘氣壓西涼州風高北地道

冥心棲混沌抗志絕岫嶺拂峽山靈咄探珠川后愁  
與來聖禹境語到失千秋龍劔司空賞神駒伯樂收

懋權少以才瓊芝生玉洞國寶號天球文彩杼三策  
受知環珞公

嘉名動九州罡風搏俊鶻楷矢射羗牛隻字雞林重  
連篇鳳閣求大呼驚左馬餘響奪曹劉巨石神人鑿  
鮮雲巧匠鍤汲多泉必美妬重物應尤寂寞代空往  
蒼茫世罕儔相思邈河漢作吏在滄洲水潦深過膝  
風沙障滿頭將迎常磬折版鍾每筵講野宿親魑鬼  
泥行狎禿鶩瞪眸怒罔象蓬髯祝甌窶自以肱俱折

何言年不龜蒿萊俱失色  
薜荔總蒙羞舊業風中絮  
新知水上漚含毫無籛思填腹有煩憂世路交難借  
夫君義可投龍輿馳峻坂鵬羽刷洪流  
稅亦由神解心將與道謀  
願言承聲欬與子結綢繆儻一因陽雁  
題書盟海鷗

弔李太白

李侯何浩蕩才氣朗秋旻  
萬葉王孫貴千秋俠士踰  
雕龍摧六代捫虱控三秦  
氣縛南山虎思猋東郭窺  
自言金粟是無乃歲星真  
語語芙蓉秀時時光景新



狂來人不識創出古無倫白日奔雷電青天出鳳麟  
機鋒橫錯落座客駭逡巡巴曲聞天樂神光滅鬼磷  
雨沈鐘鼓死風擊海濤齋岱嶽舒高曠江湖託隱淪  
青霞綠玉杖丹洞紫陽巾月笛吹三弄煙蘿臥十春  
崇朝登殿閣出入耀車輪酒肆酣歌客詞林供奉臣  
揮毫駛風雨抽藻亂星辰睥睨輕中使沈吟賞貴嬪  
無時不中聖有句輒通神未解千花妬寧辭萬乘噴  
當胸多磊塊入眼失嶙峋行矣孤標在終然入極人  
主恩賜雲壑浪跡便風塵南國陵陽伴東林惠遠隣

雲門路脊二鏡水石粼二松葉堪同暝桃花數間津  
青山落君手美酒亦沾唇但得千回醉安能一日醒  
長流窮自適高咏老逾珍巨浪蛟龍狎寒燈魑魅親  
薜蘿芳可掇蘭茝細堪紉人代欽才子乾坤作放民  
外應歸曼情生不弔靈均名獨雄文著心將大義伸  
官因飲酒棄家以散金貧國士汾陽淚英雄劇孟身  
執鞭向高塚挂劍指荒榛遮莫遊青漢將非跨赤鱗  
臨風惟慘愴俯景一酸辛落二緣才大飄二得數屯  
異時同調在肝膽向誰陳

孟冬行部經舊縣作

原野踏來長低回黯斷腸人家總蕭瑟風日更蒼茫  
水涸橋痕碧煙昏野燒黃枯楊吟淅淅獨鳥下荒荒  
昔號鳴騶里今爲牧豕場田夫耕廢縣山鼠掘頽墻  
露葉堆僧舍霜藤挂佛堂狐驕行大澤鬼嘯響陰廊  
老樹影俱瘦幽花冷自香孤龕逗寒雨疎磬發斜陽  
蝸蝨銷金篆苔侵剝盡梁行人感今昔父老說逃亡  
無乃征徭重兼因饑饉傷祇言財賦地寧惜漚淪鄉  
去歲風飄屋頻年水沒牀荷鋤力田畝負鍾鎗河防

病婦衣多結衰翁髮有霜家貧仍畏吏租去已无糧  
沙上拾殘葦牆邊卧矮桑天心莽難訊人事有悲涼  
大國連薨在高門列宿張車輪若流水服食擬侯王  
鐘鼓千燈豔管花九陌芳吳歌儼相亞楚舞復成行  
至管留春色金屏綴夜光富應厭粱肉貧不飽糟糠  
吏治真無補空慙色綬章

哭君典太史

生歿不分明胡然造物情冥二竟易散落恨難平  
帝急收靈寶神應妬大名龍亡昏北斗塵外哭東京

雄畧推蕩石文章吐赤瑛猗公朝擊劒鬼母夜談兵  
虎帳邊風澳龍堆塞外橫揮金遍梁楚結客滿幽并  
赴義雙轡在投軀七尺輕才高堪用大心小亦持盈  
樂創開金掌星輝指玉衡舊爲香案吏人道禁垣卿  
日竚寸心明天將隻手擎光芒新出匣名字甫登瀛  
空負千秋氣都無一事成山川堪下淚豪傑總吞聲  
迹似崩高浪名疑誤太清青崖破雷電白日走精英  
神馬方騰踏轡車忽下迎兵書藏絕峽劒舄掩佳城  
坐惜滄溟逝誰扶危嶽傾士林成陳惜大地失崑崙

不得金門隱虛傳木帝精未能驂獨鶴先已跨長鯨  
早應函中記將從炭市行懶殘無復驗磨勤祗堪驚  
詎謂松喬侶才同木槿榮徒聞持五戒竟不滅三彭  
杲日淒涼出孤煙莽蕩生雲荒丹鳳闕沙冷白鷗盟  
何限同心恨終傷異代更長安一把臂逢夜數飛觥  
歲晏秋蓬折離思春草繁山谿維短櫂水縣飽香秔  
識性忘吾汝連姻復弟兄共將天路遠還約鹿門耕  
松葉燒丹竈桃花映紫笙前期今已矣後事杳難評  
汝必真幽怪吾生亦贅嫗媿無能贖命何必論沾纓

白榆集卷之五

東海屠隆緯直著

七言律詩

東郡登光岳樓

高閣崔嵬混太虛，大荒東去獨躊躇。  
橫波白日雕牕合，陡插中天繡柱孤。  
微辨牛羊平野外，忽驚風雨太山隅。  
酒酣戲踏雲間路，咫尺羣靈不敢呼。

贈吳生

吳生者先朝仁甫學士仲子學士以文采風流名海內吳生亦有文善譚笑與不佞交善及不佞作吏雲間吳生見過而知禍不掩肘貧甚不佞不勝任盼諸子之歎作

此贈  
之

三年不見貧逾甚四海相投舌尚存世有千金買歌  
笑誰能一飯與王孫到來秋水浮官舍歸去寒潮滿  
華門剪燭西堂明外夜人情翻覆與君論

莫廷韓吳孝甫小集得花字

鳥下城隅吏散衙開尊與客坐蒹葭胸中一夕生丘  
壑世上千秋看莫邪鐘通冷風響修竹池空明月笑  
疎花誰言牢落柴桑令不是蓬蒿仲蔚家

送袁履善南遊天台雁宕諸山兼訊袁黃巖

明府



送君明月響空舲  
蒲擔煙霞百縷青  
猶惟一瓢風謔  
謔獨行千澗水  
泠泠人間已解  
王官印天上仍  
爲處士星  
此去定逢勾漏令  
不知何洞注丹經

楊公亮太史奉使東藩暫留西湖却寄

天書遙指白雲封  
兼理名山綠玉筇  
好去岱宗捫日  
觀偶來水國看  
芙蓉舟行露下  
空江笛月滿谿  
南大寺鐘我欲  
翻然追紫氣塵  
沙何日得從容

送周明府入覲

聲鼓鳴笳不住聲  
萬人相送使君行  
天寒十月過秦

望朔旦雙鳧入漢京  
葉落關河嘶去馬  
花開馳道語流鶯  
天官賜燕訓筐篚  
定醉彤墀白玉笙

送楊別駕考績之京

朝衣奏績五雲高  
家在神京長鳳毛  
金殿爐香薰綵筆  
玉河官柳映緋袍  
西山爽氣堪支笏  
南國才名欲贈刀  
此目送君飛木葉  
寒沙鳧雁滿江皋

壽表履善二首

老去無官名自尊  
悟來大道總何言  
鳥啼江雨雲中路  
犬吠花源郭外村  
入谷煙霞堪結伴  
登樓河漢正

當門青真紫邏無人佳日暮風吹洗藥盆  
背郭臨谿開曲房天低平望極蒼茫采芝夜臥青霞  
館辟穀朝餐白石糧歲月總銷印竹杖生涯半在水  
雲鄉知君名注丹臺久早晚凌霄鶴駕翔

集履善海月樓限韻

片片芙蓉落大江忽看秋色在西牕坐臨高閣天陰  
半日挾浮雲鳥去雙深醉儘翻青玉案清歡不問碧  
油幢年來銷盡飛揚意獨有詩魔未肯降

送范司理之南北部

閑曹喜得白雲司。水木清冷出世姿。已識一官如露  
電。爲言吾道摠希夷。遠心強半依僧舍。高韻應堪入  
畫師。共約他年嵩少下。買田十畝種青芝。

送沈君興北上四首

黃石兵符鴻寶文。浮生一半五湖濱。玲瓏海月開丹  
壁。窈窕僧房臥白雲。吾道總非丘壑相。才名早已世  
人聞。蒲萄酒似江波綠。斜日踈煙獨送君。

百年那得指冥鴻。四海行看起臥龍。蘭筵晚雪拋竹  
杖。花宮明月聽宵鐘。卽逢霄漢新恩下。不改煙霞舊

日容見說丹臺留姓字了知出處是浮踪

交情原不隔雲泥兩過蘼蕪綠雨谿我有一官同野  
鶴君行雙闕聽朝雞沙含遠樹恍如雪水泛空舲月  
滿隄清夢未能忘薜荔愁來落日敬亭西

俠氣全銷名益尊白雲送出謝公墩門前客散金應  
盡枕上書成劒不昏真謂清朝堪避世由來烈士解  
酬恩我行先掃峰頭月共約煙蘿閉石門

訊孫以德太史

雪夜花時竟杳然虫絲掩戶送流年官爲金馬含香

吏家近華陽小洞天蘭若疎鐘僊爽氣松巖斜日好  
高眠何時同結蘇門侶一嘯凌風入紫煙

送黃太史還朝

揭天絲管雜鳴榔正及芙蓉遶郭香送客聞歌多麗  
曲何人不道是仙郎江搖雲樹含秋色帆挂星河覺  
夜涼此去東方真大隱可堪湖上夢鴛鴦

送陸伯生同黃太史北上

圖書三徑未爲窮何事天涯學斷蓬況有歌聲出金  
石不妨秋色冷梧桐馬蹄踏破迎關月鐵笛吹殘響

夜風知爾聲名高入洛近聞龍劍賞司空

夏夜泛舟青谿得東字

千家隱隱夕陽中一簫蕭蕭浦漱東疎樹晴搖樓曉  
水斷霞初散月當空花明子夜嬌華燭簫咽中流度  
冷風欲繼清歡遲三五芙蓉間向酒杯紅

水上聞簫

誰家玉管正氤氲半入天風半入雲一自秦臺樓上  
罷却來漢女水邊聞響侵銀浦波拍瀉夢醒魚龍夜  
欲分寶月斜沉紅燭冷露華淒斷泣湘君

寄陳伯符

府中年少更何人  
花使曾探上苑春  
可奈傾都看衛玠  
向來作賦擬安仁  
門閑時有孤雲住  
官冷應無長吏嗔  
媿我稱兄真老大  
低眉羞澁在風塵

寄沈少卿

沈郎纖瘦美風姿  
袖裏芙蓉七尺披  
才子名高兼善吏  
水衡官冷不妨詩  
霜清古洞丹霞色  
月白空山青桂枝  
我在泥塗君貴仕  
臨風未敢說相思

寄座主朱太史先生二首



三年澤國困饑傷父老流離井邇荒星漢空懸天咫  
尺兼葭半住水中央一官轉與泥沙近雙鬢都如秋  
葉黃行矣他時雲壑下佇看北斗挹天漿

滄洲小吏合沉淪霄漢無才可致身牢落三年空送  
老淒涼數口不辭貧風波只自依龍子寒暑那能北  
雁臣敢向明時忘暮夜關西伯起舊門人

寄沈茂仁太史

近來潘左正雲興惟底長安紙價增才子氣堪凌綵  
筆少年官欲比壺冰芸香朝閣聞金磬御苑秋河度

玉繩莫問故入滄海曲飄零久矣失飛騰

寄沈肩吾太史二首

蛾眉衰颯髣毛斑負汲提筐大道間自以將迎銷白日不因啼笑損朱顏閑傷首宿秋風裏無數芙蓉綠水灣霜冷劒花空繡澁生涯多只在青山

天柱峰高不可捫空勞使節問河源故人老去官仍拙末路塵多智益昏糲散祇今宜洞壑歲星自古在金門幽栖何日偃田父高枕斜陽卧樹根

寄君房箕仲四首

三年作吏五湖旁萬事蕭條兩鬢蒼竹几藤牀多暇  
日雲曹水部總仙郎空憐綠樹岩前長閑煞芙蓉鏡  
裏香墨綬生涯君莫問紅塵馬首送殘陽

天圻黃河不問津空令書劍飽風塵向來慙媿詒芳  
草今日真成負故人政拙祇堪高士笑官貧猶免大  
官嗔鹿門早晚躬耕去翠壁丹霞絕四隣

故人久矣妬花封況是青谿碧樹重泐殿晴開雙竇  
鏡峰巒高削九芙蓉雲邊鐘冷來山寺竹裏泉香度  
石淙吳地風光雖信美懸壺柰可不從容

片雲西北是京華  
慘澹吳門落日斜  
得意錢郎正膺  
漢食時官鮑在泥沙  
愁來一水迴青魚  
望入千峰變  
紫霞不信安仁慄  
悴甚但看白露若  
蕭蕭

讀李惟寅貞業集却寄

讀罷高篇意不忘  
西山爽氣到林塘  
扶桑秋曙銀河  
淡絕整春聲  
碧樹涼藻思直懸何水部  
布衣不獨孟  
襄陽大梁公子淮南賦  
并作千年俠骨香

寄瞿庵夫二首

思君明月滿巴陵  
夢斷洪波響洞庭  
欲採驪珠迷楚

澤不將寶瑟怨湘靈春迴細雨芳蘭長谷暗秋風落  
竹青夜奏朱絃望星斗銀河瀉入水泠泠  
昔日長安酒肆中塵沙草草得英雄三年漂泊成風  
馬兩度相思寄澤鴻楚調清冷霜月淡吳歌淒斷水  
煙空與君各抱千秋意但願青山白首同

寄張太史

好風一夜鳳毛生獨鼓雲和湘水明劒氣千秋懸北  
斗筆花五色照西京明珠碧海今無價玉筍丹臺舊  
有名遙想著書天祿上紅雲散盡月華清

寄楊伯翼時伯翼居先大理公喪久不通訊  
遠自濠梁轉入吳飄零三載各踟躕  
劍寒秋顰芙蓉  
歎月落空江野水枯  
我以紅塵銷髣髴  
君將清淚滴  
珊瑚靡蕪  
總是思公子  
獨立蒼茫一字無

嵩澤弔袁將軍二首

黃霧春天海浪驚  
斜陽江水哭殘兵  
野禽飛上將軍  
樹田父來耕滬  
瀆城劍蝕土花秋  
後冷血侵鬼火  
夜深明羊曇清唱  
桓伊笛并入蕭蕭  
暮雨聲

將軍直欲挽天河  
自築孤城捍海波  
塞外天陰沉鼓

角墓門秋老挂藤蘿亦知死去君無恨曾向生前唱  
挽歌往事千秋空灑淚英雄努力奈時何

弔二陸先生二首

列侯門第舊王孫況有才名海內尊孤鶴林臯寒月  
白雙龍風雨大湖昏星懸寶劒司空淚雪壓高牙烈  
士冤荒草牛羊夷墓道何人脩竹問平原

玄圃離離總夜光吳牋颯颯動寒芒採花涇上春遊  
屐黃耳村邊校獵場金印光沉邊日紫繡旗秋捲海  
沙黃雙留秀句香南國歲歲芙蓉谷水陽

夷光

無奈蛾眉絕世妍  
君王初召百花前  
西園燭冷羞珠翠  
北渚花繁誤管絃  
裊裊春紗自谿水  
娟娟秋月又湖煙  
野風日漸銷官粉  
應傍垂楊理釣舩

要離

孱然膂力氣橫秋  
壯士原將肝膽收  
匕首血痕侵暮  
雨高墳俠骨枕寒流  
魚鰕三尺乾坤裏  
雄槩千年姓  
字留笑我鬚眉無  
乃似不堪懷抱向君投

伍員



將軍已矣更何言一劍蒼茫四海奔  
生有黃金投瀨水死乘白馬泣江魂  
向來磊落恩讐盡往事淒涼國史存  
濁浪鴟夷知不恨詎看回首葬荆門

范蠡

霸越摧吳蓋世雄夢回都逐水煙空  
朝提金印行邊塞夕向滄波作釣翁  
菱葉斜侵尊酒綠荷花遙映寶釵紅  
越王臺上多絃管不及湖頭白苧工

浣紗女

江中白石何磷磷月明如見浣紗人  
湖海茫茫識國

白梅集 卷之五 一  
土片言草草便捐身  
基廈珊瑚疑有淚  
水綃霧縠清無塵  
紅顏寧爲黃金死  
不用投金瀨水濱

讀楚漢春秋

四海揚塵血戰中  
不知蠻觸定誰雄  
中原手劈鴻溝斷  
足馬親從鳥道東  
霸氣淒涼空蓋世  
芒雲慘淡自歌風  
閑呼濁酒看遺事  
一嘯西山夕照紅

讀吳越春秋

興亡吳越總英靈  
潮湧春沙海樹青  
空壁銜枚宵度馬  
大江伐鼓畫揚舡  
金塘綠浦迷寒雨  
玉管銀箏散

曙星南國香殘西子去山人一枕夢初醒

讀高僧傳

白雲多在妙高峰大乘寧分南北宗定去香煙酣獨  
鶴醒來清楚出雙松欲棲西極靈巖雪且聽東林慧  
遠鐘心似頭陀猶有髮了知水月本無踪

讀真誥

仙卿都水治華陽親注瑤篇五色光金簡時時朝上  
帝玉清一一隸虛皇瓊臺高宴笙簫集古洞明霞日  
月長塵土無由望霄漢得如雞大白雲鄉

讀王千年拾遺記

王子才華一代懸著書直欲掩談天丹淵紫海心容  
廓脯鳳烹龍事杳然未論玄珠窺象罔且看彩筆走  
雲煙千秋欲起司空問佳氣蒼茫在斗邊

讀高士傳

清齋無事讀遺編  
高臥冷冷體欲仙  
但覺風來林屋洞  
不知身在土皇年  
花香酒熟逢明月  
琴響山空入暗泉  
竹帛功名鐘鼎食  
浮雲回首卽茫然

朱竹有引

莫廷韓寫朱竹表文學微之便面余未之識也廷  
韓曰宋元人多寫此竹亦有題咏因索余咏焉  
帝子春蒐迷絳紗龍孫秋老醉丹砂斑斑清淚啼成  
血淡淡寒煙幻作霞向以孤標託松柏何來豔色妬  
桃花鳳凰欲下驚飛去恠殺琅玕換歲華

夏夜衙齋宴集張玄超莫廷韓諸君限韻

露下芙蓉月滿江當筵且不問爲邦水邊人語風吹  
斷樹杪星河夜欲降自喜瑤枝常得竝卽如神劒理  
應雙願言永結丹霞侶共指蓬萊瞰石牕

讀皇甫司勳集却寄二首

嘯傲滄洲意自如  
早年文彩欲傾都  
雨深草色在三  
徑  
簾捲秋聲入五湖  
鶴唳天空聞爽籟  
龍眠海峽抱  
明珠  
眼前南國朱顏在  
得似夷光老去無

一編匡坐白雲房  
落盡蘭膏夜轉涼  
花覆清池響山  
溜  
鐘侵疎雨雜風篁  
身依物外千秋了  
名在人間片  
語香  
慙媿孤桐今爨下  
知音未敢望中郎

讀平蠻可勳全錄寄荅曾大司空四首

金印光寒照鐵衣  
陰符黃石佐兵機  
旗衝夜色雲林

度馬踏空行閣道圍益部聲驩瞻日月蠻王面縛歸  
天威轅門疊鼓連橫吹一道風煙獻捷歸

密箐捫天峭壁崇親提虎士躡層峰乘空直擬神兵  
下捲陣驚看殺氣濃遂使邊人銷野哭更教荒土徧  
春農武侯仗鉞西征後再見勲名勒銅鐘

親挽銀河洗甲兵夜郎却挾走先聲 廟堂此日資  
籌策荒徼今來問姓名千里封疆西塞濶萬家煙火  
蜀都迎異人總爲匡時出衡嶽無雲江漢清

大司空位接三台 帝念功臣實楚材望重長城塞

外起時清寶劍匣中開雲霓應下西人淚星漢遙看  
北斗廻聞道功成堪辟穀月明親見赤松來

和孟孺新秋感興一首

梧桐一葉下林臯冷露無聲河漢高候雁不曾來玉  
塞秋光先已入金刀機中涕泪含千緒鏡裏流年感  
二毛最是芙蓉宜水國淡煙疎雨逐輕舸

酬鄔汝翼見贈之作

婆娑吳越間前朝來往空江送落潮佳句全從僧舍  
得雄心半向酒家消隸山到處容雙屐野艇無人挂



一歎不爲西風傷歲暮亂雲歸去師金焦

送徐澤夫北上

未盡賢豪握手情詎堪今日送君行明珠價重傾南  
國騶馬霜高近北平萬頃水雲春落照千山楓葉捲  
秋聲五明宮樹華清月遙想王孫朝玉京

和王辰玉辛巳秋日直塘拜大師新觀感懷

作之

紫殿新開野水流便教蘿月照瓊樓三千玉界霞光  
滿十二雕欄海色浮夢去祇驚龍闕迥書來忽報鳳  
車遊去年曾賜茱萸佩又是空山碧洞秋

和辰玉感大師樓前盆荷之作有別

大師樓居時其父炳詰道人以一盆荷貯樓前夏  
月花盛開逮大師上昇之明年荷忽萎死辰玉見  
而感焉賦七言近體二首要余屬和

鸞馭遙知上界逢荷花不作去年紅香銷玉砌蟲聲  
亂露冷瓊簾月色空豈是淚枯青瑣閣定應魂傍蕊  
珠宮閒窺綠水含惆悵願託瑤天鳥使通

送陸君策遊西湖

青楓葉落大湖空萬頃秋雲雪浪重靈隱鐘聲沈暮

雨西冷月色度高松醉看鳬雁寒沙淨夢入芙蓉白  
露濃定拜如來天竺上何由杖鉢一相從

喜顧益卿擢參浙藩却寄二首

使君疋馬自南天東海鯁人入貢年座岷雄風生燕  
頷酒當明月照龍泉千峰獨肅煙霞上八月揚帆雪  
浪前父老如今高枕臥威明握節已臨邊

都門尊酒別蒼茫覓夢三年向夜郎此日輶車滄海  
曲異時斗笠水雲鄉青霄肯負千秋約白石堪爲五  
嶽糧知爾雄心消未得彎弓且欲挂扶桑

行脚僧

芒鞋踏破萬峰霞  
汗漫浮生泛海槎  
野店清霜寒錫  
杖山橋斜月臥袈裟  
饑來到處供香積  
春盡逢人問歲華  
解得法輪元不住  
流沙西去更無家

倪使君聞報斲還會稽却寄

木落天空萬壑哀  
主恩應許斲銜杯  
家從秦望峰  
巖住人自若邪煙  
雨回鐘磬泠泠雲裏出  
芙蓉杳杳鏡中開  
更聞欲就西湖月  
頓使鷗鳬入夢來

秋日登天馬山絕頂

把酒崔嵬散客情。寺門黃葉積來平。芒鞋夜踏空岩響，落日秋窺野水明。四壁藤蘿留半偈，萬家煙火帶孤城。不妨高嘯松風下，坐待蒼茫海月生。

贈張谷吹先生二首

門臨千頃水，雲寬黃葉疎。疎照籜冠未老，朱顏堪學道。愛閒黑髮早辭官，秋煙竹色侵書牕。夜雨空香幾藥欄，幾度對君名利盡。高齋清絕夢應安。

山山薜荔好裁衣，只有江鷗解息機。濁世浮名慙鹵莽，閒庭曉日愛熹微。圖書三徑真玄晏，風骨千秋似

自和集 卷之五 六  
武威安得共尋峰如去一簑披却野雲歸

寄荅張太史二首

伯仲卿家總不羈殿香彩筆共氤氲山風吹冷峨眉  
雪海月初紅華頂雲晉代雙龍尋寶氣漢家三篋  
遺文天空象緯遙相望坐對芙蓉水國分

仙郎豈是石麒麟香案前頭侍從臣殿敞九光臨大  
乙花明五色傍鈞陳如聞寶瑟湘江上欲解明珠濱  
水濱千載建安須七子獨騎王粲在風塵

贈龍司理

少年借問寶刀鏤得似清朝玉筍斑應有才名高白  
雪了無時俗妬朱顏秋花冉冉開湘水春竹青青暎  
楚山好道更如王子晉吹笙遙傍月明還

上瑤翁師相四首

海日蒼茫出世氛東華妙氣屬靈文司空解識雙龍  
劍太史曾占五色雲銀燭絳紗宮樹合金箋綵筆殿  
香分從知鳳沼恩波闊一片丹心荅聖君

才名片玉早嶙峋水碧空青物外珍天上歲星知是  
朔人間靈嶽又生申朝憑玉笈窺東壁夜傍金河拱

北辰共道相君調六氣如今四海盡陽春

四十三公霄漢間趨朝劍佩日珊珊身依禁闕絲綸  
地名在清都侍從班元老聞添新白髮仙官不減舊  
朱顏功成已入麒麟閣留取他年問九還

一從作吏向滄洲五見條風百草柔鴈去祇憐天關  
迴鷗飛敢狎水雲秋驚心歲月紅塵老極目關河紫  
氣浮但說雕蟲堪自媿無能拂拭舊吳鉤

總馮開之太史北上二首

朱絃好爲故人停三疊歌殘酒易醒津樹數家依驛



路江猿兩岸送空舲無端野日荒荒下不盡湖天杳  
杳青後夜相思何處是萬松明月隔西泠

三年採藥訪桐君忍別滄江鷗鷺羣豈謂金門堪大  
隱祇緣玉牒重靈文河橋柳暗人初去山店花香麝  
欲分慙入紅塵心不染宮衣猶帶五湖雲

### 北固山

目斷吳雲沙岸窮忽然水上出孤峰隔江晴見維揚  
樹絕浦風迴建業鐘日照牙旗明島嶼天空疊鼓觸  
魚龍捫崖手拄蒼藤杖石濺寒潮上古松

贈唐嗣宗

山色湖雲青黛濃碧天遙映九芙蓉自從劍化雙龍  
去不乏瓊芝秀五茸看是黃流宜玉璫朗如山月照  
春松支公亦解憐神駿歎息孫陽向不逢

陸君策至自茅山却贈

恠得衣裳帶白雲自言句曲禮茅君松邊清磬遙空  
斷花裏名香靜夜聞五彩手揮銀不律雙鶴觀猿  
樞文採芝更汲南冷水江上歸來正夕曛

含桃

玉盤擎來自寢宮，猶令嬌鳥窺牆東。  
金粟斜穿瓊瑤，紫蒼龍夜吐珊瑚紅。  
丹霞洞冷光相妬，絳蠟臺高照。  
欲空不用樊姬歌，麗曲頽然一醉香山翁。

懷徐茂吳

美人南國傍西湖，勝具高情迥自孤。  
入洞不煩明月照，捫崖時借白雲扶。  
馮蹄踏去多芳草，龍領探來總夜珠。  
欲就煙霞尋野鶴，問君曾掃石牀無。

招杜山人不至作詩調之

十年把臂驚何在，一笑長林花雨飄。  
丰采真成看霧

白布集  
卷之三  
二  
豹姓名終自昨陽喬蘇門氣盡聊相對石室煙深不  
可招莫以風塵嘲大令猶堪與客賦逍遙

湘靈鼓瑟

抱瑟凌波寶髻斜仙衣片片是紅霞江深雲冷迷斑  
竹月白天青映暮花忽駕飈車沉斷峽尚留靈響在  
空沙參差我亦思公子爲語夷光正浣紗

黃鶴樓

王孫簫鼓之空船日出登樓望洞庭隔竹萬家涵水  
碧亂峰千樹插天青風搖石壁春蕭瑟氣薄魚龍晝

杳冥極目佳人江漢上吟成楚曲不堪聽

黃陵廟

君山秋老白雲孤花暝黃陵啼鷓鴣黛色峰巒青不  
斷月痕江水綠微鋪空行神霧丹綃濕曲度靈風寶  
瑟無聞道九疑如卷盡年年芳草換蘼蕪

巫山高

芙蓉萬朵疊峰文忽變陰晴蕩夕曛神女雙鬟迷暮  
峽瀟湘半幅剪秋裙人如宋玉毫端賦衣染荆王臺  
上雲千古楚才香杜若相思脉脉水沄沄

送陶比部懋中北上

天涯相見各躊躇  
遷客蕭然意自如  
暫向東山窺石鏡  
謁來南國採煙蕪  
燈前氣色高星漢  
眼底波濤失太湖  
惟道魚龍作風雨  
袖中君有大秦珠

送王辰玉徐孟孺薄遊金陵二首

正好修真靜掩關  
問君何事馬蹄間  
花香九陌長干酒  
雲氣諸陵建業山  
秋入徐卿金箭冷  
天高王子鳳笙閑  
南朝官觀西峰月  
永得琉璃滿袖還

冷風渺渺若空行  
遙指南天片月明  
幾樹煙蘿尋以

佛六朝絲管問啼鴈總多黃鸝凌霄氣不淡丹崖出  
世情此去經過勾曲下華陽定遣鶴書迎

白榆集卷之五終